



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Ioannis || Slotani || Geffensis, Sacrae || Theologiae
Profes-||soris, De retinenda fide orthodo-||xa & catholica
aduersus hæ-||reses & sectas, & præci-||puè
Lutherana[m], Li-||bri nouem.||**

Slotan, Johann

Coloniae, 1560

VD16 S 6745

Capvt II.

urn:nbn:de:hbz:466:1-29875

DE RETI. FIDE ORTH. 2

Ego (vt ingenè fatear quod sentio) nullum aliud agnosco Euangelium, nullam aliam recipio doctrinam, quam iam scio agnouisse patres maioresque nostros, qui hoc Euangelium, qui hanc doctrinam (quam ego sequor, & cui ihæreo, cuique inherebo & adhærebo, quoad vixero) à suis quoque maioribus accipere, & illi deinceps à suis, donec tandem ad Apostolos veniamus, qui hanc doctrinam à Christo, & Christus à Deo accepit. Præter hanc doctrinam, omnia alia mihi anathema est, & tanquam peregrinam & hæreticam abominor.

CAPVT II.

CAcodoxus. Audistine vnquam Martini Lutheri nomen? nunquam legisti libros eius? nondum cognita atque perspecta est tibi eius doctrina, quam iam tota ferme Germania, atque alia plura non contemnenda prouinciæ, sequuntur atque mordicus tenent? neque dubito futurum, quin breui post hac vniversus Christianus sit acceptus orbis, maxime vbi intelligere ac subodorari

B 2 cœperit,

IOANN. SLOT. GEF.

cœperit, quàm miserè sint hæctenus ho-
mines per sacerdotes & monachos papi-
sticos decepti, quorū imposturas Mar-
tinus Luther aded iam denudauit atq;
planè detexit, vt iam nemo sit, qui sedu-
ci possit, modò illius doctrinam sequi,
eiusq; libros euoluere curauerit. OR.
Martinum Lutherum hæresiarcham il-
lum mihi nominas, quem iam ferunt, i-
sto anno nimirum 1546. mortuū? CA.
Ille tibi hæresiarcha videtur, qui tam
purè docuit Euangelium, qui tam syn-
cerè prædicauit verbum Dei? qui tam
bene de nostra Germania meritus
est? qui nos in pristinam illam liberta-
tem restituit? OR. Desine obsecro eius
apud me falsa encomia celebrare, noli
quæso puritatem synceritatemq; do-
ctrinæ illius apud me sublimibus lau-
dibus extollere, apud quem nihil sis o-
mnino promoturus, quippe qui sciam
eum hæreses plurimas tanquam hæresi-
archam in populum sparsisse, & eius do-
ctrinam plurimos alios hæreticos pepe-
risset, & non dubitem etiam vel ob id
hæreticum habendum, quod eum Ec-
clesiæ

**Mart Lu-
therus nō
solum hæ-
reticus,
sed & hæ-
resiarcha
fuit.**

DE RETI. FIDE ORT. 3

clesiæ caput Romanus Pontifex, & omnes Christianorum Academia, & denique vniuersus Christianus orbis hæretici loco habeat. Quid quod ipse se metipsum hæreticum declarauit. Quod vt certius cognoscas, vide quid in assertionem articuloꝝ suorum per Bullam Leonis decimi damnatorum scripserit. Si Ioannes Hus, inquit, fuit hæreticus, ego plus decies hæreticus sum, quum ille longè minora & pauciora dixerit, velut inchoans lucem veritatis aperire. Hæc ille tuus Luther. Sed iam nemini Catholicorum dubiũ esse potest, quin Hus hæreticus fuerit, qui potius igne pati voluit, quàm tot eximios patres in Concilio Constantiensi (in quo viri totius Christianitatis, tam eruditione quàm morum probitate spectatissimi fuerunt) audire, propriæ sententiæ contra Ecclesiam nimis quàm pertinaciter adhæsit, ac proinde manifestarium cunctis hæreticum se fuisse prodidit. Porro cum Dominus dicat, ex verbis suis aut ore suo quemq; iudicandum ac condemnandum, & itidem ex verbis suis iustifican-

Luther. se
metipsum
hæreticũ
declarauit

Luc. 19.

B 3 dum

IOANN. SLOT. GEF.

dum, & Luther dicat se decies plus Ioanne Hus hæreticum esse, quis negabit eum inter hæreticos numerandum? Et certè si Lutherus hæreticus non est, nemo vnquam hæreticus fuit. Nam aduersus omnium Orthodoxorum patrũ sententiam, statuere sua dogmata semper molitus est. Et hoc quæso quid aliud est, quàm sectam seu hæresim introducere? Nam hæresis Græcè (vt D. Hieronymo placet) ab electiõe dicitur, quòd scilicet vnusquisque id sibi eligat, quod ei melius esse videatur. Quod ante eum Tertulianus in lib. De præscrip. hæret. asseruit, docens hæreses dictas Græca voce, ex interpretatione electionis, qua quis ad instituendas, siue ad suscipiendas eas utitur. Quum itaque Lutherus diuersum à communi totius Ecclesiæ sensu, quod doceret elegerit, meritò hæreticus censendus est, & sectarum author. Ad hæc. Qui hæreticorum olim damnatorum, sepultas & extinctas reuocat hæreses, quas etiamnum approbat & defendit, nõne tibi non solũ hæreticus, verùm etiã hæreticorum patronus

DE RETI. FIDE ORTH. 4

nus & defensor videbitur? Atqui quum talis fuerit tuus Luther, adhuc obstinate perges eum negare hæreticum? CA. Quasi tu demonstrare de illo idipsum possis.

CAPVT III.

ORTHODOX. Ne per omnes discurremus hæreticorum errores, aut potius hæreticos, exempli gratia, vnum aut alterum proferemus in medium. Vvicleuistam siquidem se ostendit, quando cuncta de necessitate prorsus absoluta prouenire, non veritus est asserere. Nouatianum seipsum declarat, quòd pœnitentiam neget peccatori conducibilem esse priusquam à Deo gratiam gratum facientem acceperit. Nam quum agit peccator, quicquid in se fuerit, nihilominus tamen ipse affirmat eum peccare mortaliter, & deteriorem inde fieri. Manichæum quoque semetipsum demonstrat, quum asserit liberum arbitrium non posse non peccare, sed insuper Manichæo quouis deteriorem, quum Deum Optimum

Luther
Vvicleuistam
Nouatianum
& Manichæum se
declaraue